

Adroddiad i'r: Pwyllgor Archwilio Perfformiad

Dyddiad y Cyfarfod: 16 Ionawr 2014

Aelod/Swyddog Arweiniol: Aelod Arweiniol Addysg / Pennaeth Addysg

Awdur yr Adroddiad: Pennaeth Addysg

Teitl: Camau gweithredu yn dilyn Arolwg Estyn ar ansawdd Gwasanaethau Addysg plant a phobl ifanc yn Sir Ddinbych

1. Am beth mae'r adroddiad yn sôn?

1.1. Mae'r adroddiad yn darparu'r wybodaeth ddiweddaraf ar y cynnydd sydd wedi ei wneud o ran argymhellion Estyn yn dilyn arolwg 2012.

2. Beth yw'r rheswm dros lunio'r adroddiad hwn?

2.1. Lluniwyd yr adroddiad hwn er mwyn darparu gwybodaeth ac i ystyried y cynnydd sydd wedi ei wneud yn dilyn yr adroddiad a gyflwynwyd i'r pwyllgor archwilio ar 20 Mehefin 2013, mewn ymateb i'r argymhellion a wnaethpwyd gan Estyn yn dilyn arolwg 2012.

3. Beth yw'r Argymhellion?

Argymhellir y dylai'r Pwyllgor Archwilio:

3.1 ystyried yr wybodaeth a ddarperir a darparu sylwadau ar y cynnydd hyd yma o ran gweithredu argymhellion Estyn; a

3.2 penderfynu p'un ai fydd angen monitro'r cynllun gweithredu ymhellach ai peidio.

4. Manylion am yr adroddiad

4.1 Mae prif ganfyddiadau Adroddiad Estyn yn dangos bod yr Awdurdod Lleol wedi derbyn safon 'Da' ar gyfer y tri chwestiwn isod:-

4.1.1 Pa mor dda yw'r canlyniadau?

4.1.2 Pa mor dda yw'r ddarpariaeth?

4.1.3 Pa mor dda yw'r arweinyddiaeth a'r rheolaeth?

4.2 Roedd yr holl ddangosyddion eraill hefyd wedi derbyn safon 'Da' ac eithrio 3.1 'Arweinyddiaeth' a dderbyniodd safon 'Ardderchog'.

4.3 Fodd bynnag, er mwyn gwella, bu i Estyn argymhell y canlynol:

- 4.3.1 **Argymhelliad 1:** Gwella cywirdeb Aseidiadau Athrawon ar ddiwedd Cyfnod Allweddol 3; ac
- 4.3.2 **Argymhelliad 2:** Adnabod pob gwasanaeth plant a phobl ifanc yn Sir Ddinbych a sefydlu system effeithiol i fesur effaith y gwasanaethau hyn i gynorthwyo'r Awdurdod a'i bartneriaid i wybod a yw'r gwasanaethau hyn yn cynnig gwerth da am arian.

5. Y Cynnydd yn erbyn Argymhelliad 1

- 5.1. Mae cynnydd wedi ei wneud gyda phob cam gweithredu a nodwyd dan yr argymhelliad hwn (gwelwch Atodiad 1)

6. Y Cynnydd yn erbyn Argymhelliad 2

- 6.1. Mae cynnydd wedi ei wneud gyda phob cam gweithredu a nodwyd dan yr argymhelliad hwn (gwelwch Atodiad 2).

7. Y Camau Nesaf

- 7.1 Rydym ni bellach ar groesffordd o ran ymateb i'r argymhellion oherwydd y rhaglen effeithlonrwydd, y cydweithio rhanbarthol a'r cynlluniau ar gyfer aseiad Estyn yng nghyd-destun y newidiadau rhanbarthol a chenedlaethol. Yn ystod y chwe mis nesaf bydd swyddogion yn gwerthuso 'r gwaith sydd wedi ei wneud hyd yma, yn gwerthuso ei effeithlonrwydd ac adolygu dull yr awdurdod at gyflawni'r argymhellion yn defnyddio'r adnoddau sydd ar gael.

8. Sut mae'r penderfyniad yn cyfrannu at y Blaenoriaethau Corfforaethol?

- 8.1 Mae gwella perfformiad addysg ac ansawdd adeiladau ysgol yn un o flaenoriaethau corfforaethol y Cyngor ar gyfer 2012-17. Drwy fonitro darpariaeth y cynllun gweithredu ynghlwm gall y Pwyllgor gynorthwyo'r Cyngor i gyflawni'r uchelgais uchod.

9. Faint fydd yn costio a sut bydd yn effeithio ar wasanaethau eraill?

- 9.1. Bydd yr holl gostau yn cael eu cefnogi gan gyllidebau gwasanaeth.

10. Beth yw prif gasgliadau'r aseiad a gynhaliwyd ynglŷn ag effaith y penderfyniad ar gydraddoldeb?

- 10.1. Diben yr adroddiad hwn yw adolygu ac ystyried y cynnydd yn erbyn yr argymelliadau. Felly, nid yw'r adroddiad yn gofyn am benderfyniad ar gynnig. Does dim effeithiau niweidiol ar unrhyw un o'r nodweddion sydd wedi eu diogelu yn sgil yr adroddiad hwn.

11. Pa ymgynghoriadau a gynhaliwyd gyda phwyllgorau Archwilio ac eraill?

- 11.1. Mae ymgynghoriad wedi ei gynnal â'r Prif Fudd-ddeiliaid.

12. Datganiad y Prif Swyddog Cyllid

12.1. Amherthnasol.

13. Pa risgiau sy'n bodoli ac a oes unrhyw beth y gallwn ei wneud i'w lleihau?

13.1 I leihau'r risgiau i gymorth ysgol a'r heriau sy'n wynebu ysgolion Sir Ddinbych, mae Swyddogion Addysg yr awdurdod yn monitro ac yn asesu ansawdd y gefnogaeth ranbarthol gan GwE.

13.2 Mae cyfle i swyddogion sy'n gweithio i'r rhanbarth i gryfhau'r broses safoni ar gyfer Aseidiadau Athrawon Cyfnod Allweddol 3. Fe ddylai hyn wella ansawdd y safoni allanol i sicrhau parhad a chysondeb Aseidiadau Athrawon ar draws gogledd Cymru.

14. Pŵer i wneud y Penderfyniad

14.1 Does dim gofynion cyfreithiol ond mae arolygon Awdurdodau Lleol yn orfodol.

14.2 Mae erthygl 6.3.2 o Gyfansoddiad y Cyngor yn amodi y gall bwyllgorau archwilio sicrhau bod y camau gweithredu a nodir yn y cynlluniau gweithredu yn cael eu cymryd.

Swyddog Cyswllt:

Pennaeth Addysg

Ffôn: 01824 708009